

始



俣岳透稿

八

11-432



陸岳遺稿

編者 寄贈

大正  
10.3.1  
寄贈

大正九年  
初冬刊行

膽岳遺稿卷下

近江 藤島了穩著

丁大洲鐵然翁七回忌辰賦此展靈前

千古豪僧名鐵然。佛魔併擊膽如天。欽君終始酬恩海。  
護法勤王七十年。

壽默雷上人七十初度

會上歐西萬里船。靈蹤又拜鷲峰巔。津梁未肯告疲倦。  
獅吼如雷七十年。

金尾稜巖至自韓國偶然相逢歡甚

與君相識卅餘年。聚散無期跡似煙。一夜蕭々客窓雨。

對床話舊不成眠。

寄花懷舊

樂法

花笑鳥歌龍谷春。方逢六百歲華新。扶桑佛教將歸一。  
憶起當年枕石人。

雨後新綠

樂法

四月薰風灌佛天。雨餘新樹綠如烟。看來萬木生榮運。  
追憶大師降誕年。

苦熱

炎威赫赫欲燒空。病客如魚在釜中。汗滴成漿禦無術。  
人間豈有廣寒宮。

丁亡兒小祥賦之

胡枝花發轉催愁。殘淚難乾雨易秋。猶有咿唔存耳底。  
可堪重倚讀書樓。

咿唔聲斷已周年。獨上書樓感慨牽。殘夜燈前吞暗淚。  
忍將老眼讀遺篇。

初秋千臺訪管桐南

記曾梅雨鴨東隈。同醉旗亭離別杯。今日新秋薩南路。  
千巖萬壑訪君來。

先妣二十七回忌

往事茫茫廿七秋。青山落日老松楸。當年曾記斷機誠。

天放曰同嘆不堪率讀

天放曰合

稽顙墳前今白頭。

秋夜獨坐

寂聞空堂裏。秋寒欲襲衣。霜飛蟲語瘦。寺遠磬聲微。白髮再難黑。流年終不歸。人生蕉鹿夢。事々與心違。

題秋江圖

漁村隔岸兩三家。釣艇歸來夕照斜。十里清江秋色老。西風吹剩白蘋花。

秋晴登高

二樂莊輪奐。莊在六甲山半腹秋晴倚翠微。紀泉山坦坨。攝淡海依稀。風死船如坐。天高鳥倦飛。併將仁與智。動靜暫

忘機。

秋興次杜少陵韻

顥氣蕭條入故林。長天萬里衆星森。秋江水冷龍潛影。夜樹霜飛月有陰。家國正逢多事日。法城嚴護未灰心。西風吹夢醒無跡。斷續送聲何處砧。

秋深傲香山體次其韻

何處秋深好。秋深學士家。才思展蕉葉。文藻剪蘆花。崑玉久埃價。腹書寧用車。胸軸鳩舌語。字々蟹行斜。何處秋深好。秋深三寶家。鐘聲隔溪響。塔影映池斜。落日公孫樹。西風天竺花。庭前借禪榻。半日避塵譁。

天放曰近少陵

不出門

下帷耽講讀。把酒足勸娛。床上書千卷。籬邊菊百株。貪  
慎痴不斷。戒定慧何須。謝客門常鎖。終年獨守愚。

初寒

落木蕭々下。秋冬交錯期。曉來呵筆處。霜後叩冰時。屋  
瓦霰聲響。書牕樹影移。微寒釀禪室。試把暖香吹。

阿育王

廓清五印戢干戈。勳業何曾讓笈多。乃祖稱那羅笈多與亞歷山猛將激戰大敗之  
若與歷山同世出。不教希馬飲恒河。

結集遺經崇大雄。五天下勅助弘通。誰知八萬四千塔。

移得一基安日東。元亨釋書曰近江蒲生郡有石塔寺阿育王八萬四千舍利塔之一區也

爲法終生拓四疆。武勳文教兩洋洋。古今英傑誰儔侶。

只有羅君似大王。羅馬君斯垣帝保護耶教弘之

二樂莊招飲席上賦呈

二樂山莊臨大千。巍然聳在翠微巔。雲烟匝地十州合。  
樓閣摩空一髮懸。綺席飛杯輕似葉。銀瓶插菊大於蓮。  
醉餘凭檻發豪氣。吟破仁山智水天。

大閱

有文必有武。武豈可無文。平時不講武。緩急何策勳。今  
茲戊申秋十月。天皇親臨行大閱。巨礮殷々山岳崩。

九峰曰後半描寫入神一結意太周匝

乾動雷發何激越。和州山川供指揮。兩軍殺到氣凜烈。氣凜烈兮我武揚。唯喜勝敗不暴骨。

大舉傳道歌

君不見釋尊成道後。獅吼說法五十年。津梁一日未曾息。橫說豎說實與權。今茲十月霑法雨。慈雲鬢鬢關西樹。津梁我亦不告疲。着得忍鎧振英姿。吾道由來俗與真。王法佛法擬雙輪。祖訓併說九重詔。欲向江湖度迷津。

大舉傳道途上作

畿甸之山蜿蜒東西延。攝播之海淼茫大洋連。西風撼

天放日合璧

天放日全篇蘇老口  
吻九峰曰起手叙山海  
形勝一轉入題不費  
力筆鋒犀利亦是百  
折千磨之餘以須彌  
收結照應不苟

握山陽路。雲耶山耶遠接天。今我津梁忘艱險。鐵車載夢穩於船。三薇廣陵馬關驛。掉廣長舌遺訓宣。憶昔宗祖創業日。百折千磨戰逆緣。鑽仰誰今報其德。德澤高於須彌巔。

從人吉到八代途上

輕舟曾向峽中馳。忽入盤渦一髮危。今日文明多惠澤。鐵車載夢下厓屨。

初冬山居

山未全癯葉未摧。新霜染樹錦屏開。今朝稚子隨猿去。南澗西林拾栗來。

探梅

三夜莊前伏水涯。暗香疎影一枝斜。尋春別有甘棠感。  
淚墮先師遺愛花。

春寒

花未開唇柳未萌。殘冰觸石響鏗々。春寒勒住鶯兒舌。  
不向東風自在鳴。

春懷舊

歌題法樂

鴻恩海岳遂難酬。一夢茫茫々。歲七周。鳥哭花愁人不見。  
春風淚墮百華樓。百華樓明如人所曾住

春江花月夜

課題做張若虛體

天放曰如有寓意

墨江漾々與海連。春月如鐘太空懸。敲之欲鳴金波動。  
長江一望不夜天。泛舟浩々何處去。月照兩岸櫻花樹。  
花天月地白模糊。提上游人迷香霧。霧中脉々風有痕。  
穿花行欲入仙源。仙源縹緲不可究。只見花魄與月魂。  
月魂花魄年々好。浮生歲々奈易老。花月於我最多情。  
多情却被花月惱。憶昔風流赤壁舟。眉陽遷客擅遨游。  
清風明月取無盡。雙璧賦成有千秋。秋月不及春月艷。  
况又有花兩美兼。對此我今愧菲才。坡老風騷任獨占。  
花月奪才人如痴。逢此良宵未題詩。可憐春宵太短促。  
一刻千金價在茲。忽有鐘聲度水至。知是金龍山下寺。

天放曰未段足與若虛抗衡



隱々撞落月與花。一併驚破白鷗睡。睡醒白鷗入花間。  
落月無痕江流閒。誰知人生行樂思。寄在春宵花月灣。

感春  
題

東山一櫻樹。春風吹繞之。匝地紅雲起。朶々瓔珞垂。觀  
客來爲群。繁華彼一時。花如有矜色。豈知盛者衰。夜半  
風雨至。摧殘無子遺。人生亦如此。幻榮終何爲。

暮春洛北無盡庵招飲席上賦贈

洛北三春晚。清遊半日情。丁々戰棋響。閣々起蛙聲。新  
樹籠烟綠。殘花照水明。酒間漫揮筆。蚯蚓字縱橫。

金剛教會創立二十周年賦此以贈

創基蓮社廿星霜。唯賴大悲恩澤長。嚴護法城力逾固。  
南無六字是金剛。

首夏  
宗祖降誕  
會法樂

雨餘新樹綠交加。降誕筵開奉佛家。櫻杏李桃零落盡。  
薰風吹到紫藤花。

送赤松老師歸于周防

過不入門曾幾回。君心也似禹王哉。還家別有蠡斯福。  
多少兒孫遶膝來。

送林行精之樺太

一領袈裟萬里程。薰風四月送君情。津梁欲答佛恩厚。

又向北辰星下行。

己酉六月六日開巴黎同遊會于洛東瑞

龍山下稻畑氏別莊席上賦此以呈諸友

瑞龍山下雨餘天。夏木千章綠罩烟。詩酒一堂高會夕。  
梯航萬里壯遊年。鶻花含露媚唵砌。螢火隨風入舞筵。  
只聽瀑聲不知處。鐘聲響自樹間傳。

梅雨客舍聞鶻

梅天連日雨滂沱。奈此天涯寂寞何。昨夜青山聽鶻語。  
聲聲故向客窓多。

敦賀松原過武田耕雲齋墓

天放曰合璧

九峰曰嘗茶山翁拜  
先妣墓詩云墳前藉  
額頭全白曾是懷中  
覓乳人同一感愴

松風謾々海濱村。冤死當年跡尚存。今日天恩及枯骨。  
豐碑一片表忠魂。

先考三十七回忌

風木感深雙淚新。匆匆三十七回辰。白頭今向墳前拜。  
膝下曾擎書卷人。

亡兒了圓大祥

胡枝花發影婆娑。一夢三年容易過。來向墓前焚香炷。  
秋風晚雨淚痕多。

奉送 光瑞宗主再遊于印度

此行欲笑漢張騫。鵬翼秋高路八千。豪膽輪囷大於斗。

九峰曰秋風晚雨亦  
使人不禁淚下

天放曰弘融僧稱法  
顯三藏為有情人僕  
讀此二首亦云爾

天放曰雄渾莊麗可稱傑作

天放曰合九峰曰法主此行真可謂護法雄心探檢偉舉三律莊嚴靈活真個好贈別矣

壯心踔厲直冲天。雲橫葱嶺征衣濕。水漲恒河寶筏連。勝躅探來多感慨。娑羅樹下拔提邊。

求法重遊向五天。此心未必讓先賢。竹園王舍秋風動。雪滿鬪賓寒月妍。遺碣欲探龍樹塔。靈踪復拜鷲峯巔。慇懃臨別欲相告。歸計明年期莫愆。

護法丹心百鍊堅。奮然復上遠征船。路經赤道炎風烈。林產黃蛇毒霧連。西域討探追顯莽。大乘論釋憶龍天。何當我亦做豪舉。卓錫鷲峰千仞巔。

寒夜法樂詩歌兼題

石根爲枕雪爲茵。一代津梁不惜身。涓滴未酬恩海大。

鐵檠紙帳擁爐人。

次前田止舟兄見寄詩韻却呈

霜華不獨上君顛。老境逼來吾髮疎。嵐峽幽期莫相負。春風同醉早櫻初。

古城春望

東風吹恨劫餘塵。滿目山川草木新。當日繁華空一夢。花愁鳥哭古城春。渺々琵琶湖上春。登高遠望感懷新。只今唯有古城迹。芳草野花愁殺人。

咏松賀七島夫婦金婚式

膽岳遺稿

天放曰唐人口吻

松樹亭亭高聳天。四時黛色鬱嬋妍。雙栖有個雙龍伴。  
讓々清風五十年。

避暑于勢州富田濱圓照精舍

浴場新向海濱開。洗盡人間炎熱埃。蕭寺別存銷夏計。  
松聲竹影送涼來。

夏再遊于湖東日溪曾遊屈指殆四十餘年矣  
回首曾遊感奈何。卅年前此擔書過。溪聲山色皆依舊。  
只恨故人凋喪多。  
四十年前幾往還。再遊又入白雲間。當時師友今安在。  
依舊崢嶸綿向山。

天放曰僕尤愛岐阜景讀此詩不堪神往

納涼作次某韻

金華山下棹清波。忽見輕雷送雨過。一掃炎塵秋在水。  
滿灣涼氣不堪多。

榕陰上人齡到古稀新築書樓乃賦此奉呈  
兒孫遶膝古稀筵。更築書樓欲草玄。若使高齡盈百廿。  
短檠猶剩五十年。

壽榕陰上人七十

津梁不倦不求名。瞿鑠七旬人盡驚。三寸舌鋒當法敵。  
連城此處是長城。

韓門懷古

九峰曰格調迥上神韻悠然

天放曰佳謔

鑿開業就偉動留。應比當年平藝州。休建豐碑勒功德。  
韓門潮水自千秋。

伏木港卽目

上樓目送遠征舟。北海潮高萬里秋。健鶻遙空欲無影。  
水天一髮黑龍洲。

寄題聽泉居

一脉奔泉碎玉清。四時灑々不停鳴。先生夜半夢驚處。  
聽做彈琴是此聲。

菊始開

大谷家慶事  
詩歌兼題

移將異品費栽培。籬下秋風花始開。忽見可憐雙蛺蝶。

天放曰乾嘉佳調

多情栩栩逐香來。

吾 宗主鏡如上人至自歐亞大陸恭賦奉呈  
玄笄張騫何足云。雄圖前代未曾聞。汲將法界等流水。  
回看帝珠無盡雲。斷碣討探回鶻字。古經證得舞駒文。  
茲遊特筆書青史。永爲熙朝奏偉勳。

歲晚書感

日車運老急於弦。世事悠悠付逝川。白髮來侵由識字。  
青山可買豈論錢。地爐溫酒過寒夜。書卷埋頭送暮年。  
古道依然照顏色。孤燈挑盡未成眠。

辛亥新年

九峰曰後聯新偉偉  
麗回鶻舞駒對仗之  
妙不可思議

天放曰第一第三非  
坡老不能道也

曉鐘聲隱々。初日上闌干。不飲傳生酒。何須却鬼丸。寒香梅好在。翠色竹平安。昭代多恩澤。僧房客素餐。

又

駸々世運欲無窮。萬古乾坤豈謂同。靈感通神探秘鑰。雲梯生翼度遙空。地加八道鴨江水。人向南辰水海風。赫々金甌帝王國。富峯儼在大瀛東。

賦得寒月照梅花

寒光素影弄仙姿。正是上林霜重時。夜色玲瓏群動息。冰輪懸在老梅枝。

見真大師六百五十回諱辰謹賦次秋月天放

天放曰千里眼飛行  
機入詩頗新恨後者  
未窮其術

先生瑤韻

一代津梁說妙詮。風餐露宿志逾堅。高恩遠及僧祇劫。遺弟猶思圓寂年。爲掃妖雲懸佛日。能教法雨灑彌天。諱辰六百五十載。悲喜淚霑愚與賢。

法水流遠

樂法

慧眼見真千歲師。遺恩今日仰須彌。涓々法水何曾盡。流到龍華三會時。

古城春望

英雄霸業化爲烟。國破山河草木連。春色不關興廢事。野梅江柳一年々。

送春  
題課

欲別東風轉愴神。黃鸝無語雨痕新。花飛亦有明年在。  
只恨衰顏不再春。

年々芳事太忽々。九十春光又作空。烟雨一村山館曉。  
流鶯啼破落花風。

童子相携出萼關。逍遙沂水舞雩間。落花飛絮送春去。  
裂帛一聲何處山。

初夏  
題課

嬌紅妖紫夢匆忙。綠樹娟娟勝艷陽。鶯語入林鶯語罷。  
避來賢路不相妨。

天放曰旭翁句黃鸝亦似避賢路杜宇啼時不復鳴

煮茶  
題課

非雨非泉韻何工。颼々石銚起松風。槐火煮雪素濤卷。  
鳳團出磨玉塵濃。枯腸未易禁數盃。已醫酒渴又破懶。  
君不見昔時陸子千家自點茶。東西小技別成家。又不  
見今日富豪鬪茶耽奢侈。爭購茶器誇其美。我今老病  
絕酒卮。曾無宴席伴娥眉。讀書倦來試茗飲。清風禪榻  
常相隨。尤是四月清和南薰解愠節。綠陰樹下一喫新  
茗聽子規。

又

蟬聲入鼻隔窓紗。知是玉川高士家。一榻移來蕉葉下。

天放曰結酷似東坡

九峰曰瑠璃七字極尖新天放曰藥師如來亦應一喫

瑠璃世界煮新茶。

瀑布

晃山多瀑布。到處響轟々。般若蕩邪念。華嚴擅美名。消將三伏熱。更作百雷聲。何用到冰窟。肌膚粟欲生。

又

飛瀑擎々掛激湍。噴雲濺月夏猶寒。壯觀如是冠天下。莫作廬山一樣看。

對雨有感課題

蕭々來細雨。湛々暮江長。塔引苔紋碧。林連梅子黃。蝸涎題柱壁。鬼菌覬厨房。蠶繭關心事。冥中望故鄉。

天放曰起手自老杜來

奈此濛々漠々何。黃梅時節雨滂沱。蝸牛得意作奇篆。偏向芭蕉葉上多。

苦蚊課題

碧城圍急敵如雲。雷鼓殷々攻守分。一滴如何老僧血。惜將衰朽委蚊軍。

一羣逞夜襲。豹脚最精兵。聚似雲霞勢。殷成雷鼓聲。燻烟擬大砲。下帳當長城。早掃蚊軍去。秋風罷遠征。

患肋膜炎戲賦

四大毒蛇鬪胃腸。五蘊惡鬼覩膏肓。更衝肋膜使人苦。兩翼攻擊何猖狂。築我城壁捉吾劍。避敵銳鋒堅相防。

天放曰佳謔

天放曰後聯奇甚九峰曰豪而能精巧而不纖詠物佳境



九峰曰突兀而起如  
如鵝健摩空怒風卷  
濤一結餘韻悠然有  
雷雨後天澄月明之  
觀

冰塊壓胸不能動。安臥三旬親繩床。多病不恨疎故友。  
袈裟其奈疲津梁。平生嘗盡醍醐藥。醍醐畢竟安心方。  
梅雨新霽祝融怒。地來火龍熱難當。喜看壁上廬山瀑。  
一幅噴雪生微涼。

壽天放秋月先生七十奉次其自述瑤韻

瞿鑠七旬尤可憐。不曾踰矩有何愆。詩追坡老稱雄健。  
書等顏公自穆淵。東叡烟霞朝曳杖。南湘風月夜呼船。  
高人果使康而壽。百歲猶餘三十年。

八月有任舉勸學職之命本職實真宗叢林最  
高之學階也余蒲柳之質未得奏寸効于學海

九峰曰前聯善寫天  
放翁非知已不能言

天放曰結振

天放曰至誠之情進  
于毫端自非真髓巖  
護安能至此敬服

而今接此恩命駑駘自慙乃賦長律一篇以供  
他日憶念云爾

正是法城嚴護辰。駑駘亦伍象龍倫。不才膺選煩宗主。  
多病同情親故人。半世津梁未曾倦。畢生學業肯違真。  
從今努力鞭衰朽。永為毫光忘此身。

新秋題

雨洗炎塵去。新涼人倚欄。叢間孤蟀響。林杪一蟾殘。北  
海逢秋早。西風向晚寒。百年多病客。燈下把書看。

又

銀河歷々遠浮光。夢影燈花夜色涼。白露西風秋四壁。

九峰曰老杜遺響

和人哦句有新聲。

秋歸故山胡枝花盛開

藥雲簇紫梵王家。俯仰西風瓔珞斜。喜見故山秋色早。  
一庭開遍竺乾花。

幾度西風天一涯。藥雲翻處始還家。莊嚴幽砌俟吾久。  
秋在胡枝間澹花。

中秋對月用袁簡齋詩韻

風拂微雲秋暑殘。晴空輾上水晶盤。始逢十五夜中好。  
獨在三千里外看。星斗無光露華冷。桂花有影月輪寒。  
高樓極目海山遠。浩々人憑霄漢端。

九峰曰俯仰低回之情溢於楮墨天放曰唐韻

九峰曰前聯流動後聯豪壯相配恰好天放曰柳北有此次韻頗妙

寄題小仙窟八勝

芙蓉萬古聳。積雪未曾融。流金鑠石處。天半玉玲瓏。富嶽晴雪

漁舟蔽蘆渚。秋風吹水腥。篝燈連數里。點々明於星。海漁火

點滴茅檐外。吾方幽回夢。西風吹夜雨。知是北山來。山夜雨

危岬臨滄海。漁舟杳渺間。依稀蒲帆影。一夕破天還。岬歸艇

西風吹顛氣。萬里碧空新。爭玉雙龍鬪。松間月一輪。松

抄掛珠

溪水連庭戶。潺湲盡日清。石瀨知秋近。憂々碎玉聲。溪

流碎玉

今年無厄日。甌窶又汗邪。曉風吹稻葉。媒介雌雄花。稻

田曉風

斜照西山沒。蒼然暮色濃。隔溪知有寺。殷々翠微鐘。山

寺晚鐘

送日置默仙禪師爲列暹羅皇帝陛下戴冠式

赴于盤谷

曾游吾亦記年前。聖骨迎來盤谷天。爲賀暹王戴冠式。

煩君去上遠征船。

南國君王檄遠馳。戴冠盛典屈禪師。回頭十有年前事。

大聖遺骸迎送時。

暹羅佛教小乘魁。三寶護持天下推。不怪君王戴冠式。

袈裟也列盛儀來。

赤關雜詩次幡山老兄韻

玄洋潮向海門流。面々青山隔岸浮。欲問兩雄折衝跡。

彌陀寺畔水濱樓。

北門鎖鑰扼雙關。無數春帆去復還。隔水屏顏呼欲答。

分明認得鎮西山。

九峰曰第三尤覺壯麗

天放曰五六活對  
甚又曰君家高誼  
敢加有此佳作謹  
謝但七八總屬虛  
反使僕愧汗雨下也

天長節恭賦次兒祐寬韻  
寶算如箕翼。殷周何足論。龍顏暎旭日。仙樂響金門。豐  
穰黎民慶。昇平聖主恩。小臣不堪喜。飽醉萬年尊。

天放先生來自東京宿余家賦詩見示乃次其  
瑤韻

蛩然足音響。喜見帽檐斜。下榻評殘菊。論詩對晚霞。卅  
年感君意。千里宿吾家。鷄黍無由設。使人慚愧加。

八駿亭小集同天放先生榕陰老師壑舟詞兄  
先生詩先成因次其韻

同調忘年友。溫盟酌彼醪。秋深月光苦。霜重菊香逃。今

天放曰逃字押得妙  
九峰曰西都勝地小  
春佳日高士名僧會  
合唱酬何等遊何  
等韻事歎美何已

夕孤亭會。三僧一士高。推敲詩立就。醉後各揮毫。

又同天放先生遊嵐山次其詩韻

欲探秋色到西山。嵐峽小春風日閑。君看松柏後凋色。  
點綴殘楓錦繡間。

賀鎮西別院起工式

形勝居然山水鄉。戶峯硯海望蒼茫。鐘魚梵唄應相答。  
知是鎮西新道場。

寄天放秋月先生

荷君厚意筆生花。一字雌黃能掩瑕。休道詩多蔬筍氣。  
由來滋味乏僧家。

九峰曰一字掩瑕予  
亦於翁每荷厚意  
三四卸脫得妙真推  
老手

天放曰一結大振

歲晚書感

形勢居然連亞歐。東西戰亂遂難收。葭氛頻動九河地。  
鐵火閃飛三市都利暮里此縣三市州。霰迸寒聲敲屋瓦。梅移疎影  
上書樓。風雲際會群雄起。誰是奈翁誰是劉。

又

乾坤納々歲殘時。禹域山河累卵危。興漢民兵聚如蟻。  
愛親命脉細於絲。插瓶幽菊剩奇馥。臨水早梅橫一枝。  
借問廟堂賢宰相。西隣政策定何其。

歲晚皈家

妻兒相拉始歸家。節屬窮陰日易斜。急喚僕僮何所命。

九峰曰首々清新雅  
健歲第晚一首尤推  
雄渾

先除醞醪祭梅花。

爲客京城三十霜。窮陰無歲不歸鄉。歸鄉先問梅安否。  
掬得南軒一朵香。

除夜

病餘豪氣殆消磨。纔借酒兵驅債魔。燈下傾筐檢存稿。  
今年詩比去年多。

壬子元旦

瞳々初日暎蘭干。鶯囀上林風不寒。瓶裏早梅堪供養。  
堵前幽竹也平安。

又次菅桐南韻

九峰曰數絕皆清雋  
詩境似淺而深除夜  
一首豪氣不磨而圓  
熟不說疎放寔爲妙  
品

松竹環家翠作屏。朝來賀客滿門庭。夕前苔蘚回生色。  
偏向春風吹處青。

松上鶴恭賦

仙鶴雙栖千歲松。有時清唳達蒼穹。不知人世滄桑變。  
長伴巖頭謾夕風。

壬子新年

雙鶴巢松呈瑞祥。椒花和酒入杯觴。上林春淺鶯聲澁。  
古渡日暄梅氣香。四海昇平謳帝德。一家衣食仰毫光。  
風魚警自燕京至。不識清廷能掃攘。

又

天放曰五六何等自  
在

柳黃梅碧入芳辰。老健還逢四海春。不信西隣鞞鼓震。  
陳吳一起捲烟塵。

送大谷尊由師之燕京

四百餘州半劫灰。愛親社稷信艱哉。活人劍是彌陀號。  
救彼生靈塗炭來。

聞天放秋月先生養病于片瀨遙有此寄

曾向杯中蛇影生。憐君臥病夢頻驚。不如何日携柑酒。  
一醉尋春共聽鶯。

賀山上醫伯喜壽

兩頰留丹鬢未皤。常餐沆蘂養天和。古稀加七何須恠。

知有君家積善多。

五條橋新成爲索題咏至余以二十八字塞責

不雨半空虹霓開。鼉鼉橫在大江隈。先上第一知何幸。

迎得 東宮鶴駕來。

五條橋就最雄恢。驚見蛟龍臥水隈。遺恨當年九郎辰。

欄頭滅却舊痕來。

春寒

剪々東風欲雪天。殘冰觸屐響鏘然。春寒勒住黃鶯舌。

未使喚醒花柳眠。

寄藤祝

大谷家慶事  
詩歌兼題

天放曰九郎辰元是  
神史所傳入詩不妨

天放曰寓意不淺

紫白交加瓔珞長。東風春老殿群芳。仙藤豈翅藏雙鶴。  
終始不渝花有香。

夏風

降誕會  
法樂會

薰風解愠氣怡然。想起大師降誕年。一掃百紅千紫去。  
吹成新綠夏初天。

八月遊南紀鉛山溫泉場雜詩

十二名蹤七鑛泉。鉛山勝概古今傳。追涼仙客携童子。  
去向舞雩沂水邊。

靈泉沸々帶潮濃。風送微涼水寺鐘。苔蝕有碑今僅認。

三皇遺跡一陵松。

有齊明持統後白河  
三帝行幸之遺跡

巨巖削立枕南洋。沸

々通潮瘖醴湯。浴得溫泉兼浴海。一身消受兩般涼。

今茲壬子九月丁先師暇丘閑雲老師三十三

回忌辰恭賦

往事茫茫似隔生。白頭揮淚謁墳塋。呼醒三十餘年夢。  
髣髴如聞絃誦聲。

往事回頭總耐哀。及門子弟半莓苔。墳前稽顙何攸告。  
講學纔傳衣鉢來。

箕面山觀楓

溪煙抹處夕陽殷。紅葉秋深箕面山。數丈瀑泉鐘磬響。  
白龍躍出錦雲間。

天放曰合璧

天皇登遐奉悼恭賦

鼎湖龍去恨攀髯。空抱烏號涕淚添。一世英姿難復拜。  
桃山陵上月如鎌。

初冬笠置途上

鐵路蜿蜒傍谷阿。浚潺流水疾於梭。黑龍直截秋光走。  
兩岸林巒紅葉多。

讀知雨樓詩存寄天放先生

天下奇才誰及君。咄嗟衝口燦成文。多々益辨驚強敵。  
母是詩壇老將軍。

筆力何唯倒巨潭。舉將君國兩肩擔。裒然成卷三千首。

天放曰二首不敢當  
々々々



便是扶桑陸劍南。

除夜

一年欲盡始歸家。不恨光陰似壑蛇。妻辨辛盤兒煖酒。  
團樂守夜伴梅花。

癸丑新年

起向佛龕先誦經。諒陰迎歲寂門庭。僧房分得宸憂切。  
不折梅花插膽瓶。

我佛教各宗之迎大聖世尊之遺骨於暹羅在  
十四年前於是相地於名古屋市外東山創覺  
王山日暹寺安遺骨焉再昨年當暹羅皇帝舉

天放曰清福可羨

九峰曰諒陰梵宮一  
種清寂之氣可掬

九峰曰整肅又曰異  
事可傳後世此小序  
不可無也

戴冠之式各宗管長呈賀表獻方物以致眷  
之誠今茲癸丑一月某日暹羅皇帝使駐日公  
使某頒踐祥紀念品于各宗管長舉行其頒布  
式于日暹寺余亦代本願寺派管長得列此盛  
典因恭賦

金城東去是靈寢。曾迓聖骸安此間。爲拜暹皇恩寵厚。  
袈裟也上覺王山。  
佛教訂盟暹日間。外臣何幸寵恩頒。記曾盤谷鳳凰寺。  
迎得世尊遺骨還。

晚春洛東田中村訪陶庵西園寺侯新居

九峯曰叙峰二句新  
居景光明媚如畫

高堂輪奐宅初成。此地幽栖心自平。運載琴書施拂拭。  
安排樹石費經營。叡峯近入窓間翠。鳴水長當檻外明。  
俗客不來春欲暮。落花深處一鷓鳴。

秋月天放翁挽詩十五日

少壯勤王志不差。至誠廉儉又何加。戒將荒惑酒財色。  
賦遍清奇雪月花。風雨千場揮健筆。詩文一代古名家。  
俄然學海迷針路。茫渺從誰可泛槎。

亡兒了圓七回忌

事去人亡跡渺然。胡枝花冷墓門邊。白頭空濺鍾情淚。  
暮雨秋風已七年。

九峰曰天奪斯翁文  
境寂寞此篇嘆嗟寔  
無浮辭

九峰曰無限感憤

龜川溫泉雜詩在別府北一里七首錄四

無海無山不鑛泉。濛々白氣欲冲天。恠來冷却溫湯水。  
分與農夫溉旱田。

海滋穿來迸藥泉。聞言投浴百痾痊。笑吾爲有烟霞疾。

嘿坐沙頭學老禪。病客皆坐暖沙俗謂之浴沙

溫泉樓在海門間。涼氣吹秋灣又灣。决皆東南低鷓影。

水天遙認豫州山。

風光明媚海山鄉。便是鎮西銷夏場。朝浴溫泉夕潮水。  
一身併領兩般涼。

柴石溫泉

後朱雀帝太子親仁親王曾有行啓此地坐溫泉枕圓石之遺跡結末故及

九峰曰龜川七首一  
々實際如觀其地就  
中海濛風光二篇尤  
覺落筆之妙

幾條瀑布濺溫湯。積翠圍山夏亦涼。坐臥溪間清淨處。  
支將石枕想親王。

鐵輪溫泉

口碑傳本泉係一  
遍上人發見云

山水秀靈噴鑛泉。高僧餘澤至今傳。巖頭安置藥師像。  
欲逐群癩結佛緣。

血池溫泉

俗曰血  
池地獄

歎々焦熱在人間。炎液奔騰勢拔山。洞窟濛々噴白氣。  
滿池却見作朱殷。

次赤松榕陰老師見寄瑤韻却寄

老師近患糖尿與  
余同病句中故及

蛇影浮杯今始聞。相憐同病寄殷勤。明朝好待西風到。

九峰曰情文共至

萬壑千巖欲訪君。

平安十二勝

應某  
需

古城鎖春靄。風日午山暄。欲問豐公事。桃花笑不言。桃

山春霞

春風入貓間。油菜如圖畫。梨花夕陽外。點破黃金界。貓

間菜花

穿水針尖小。綠雲纔作堆。關心晴與雨。養此稚苗來。八

條稚苗

秧鷄何處住。朱雀野塘邊。憂々夏秋候。宵鳴達曉天。朱

雀秧鷄

靈鷲山頭月。平安一半秋。皎々明銀色。人登十二樓。靈鷲秋月

殘躬托幽草。聲韻最悲秋。霜月淒涼處。聞之添客愁。詠

訪殘菴

蕭々山寺雨。壓閣夜雲回。陰氣淒然至。疑他惡鬼來。左

寺夜雨

北風利如刃。一夜忽生寒。鞍馬峰頭雪。今朝戴素冠。鞍

馬初雪

新樹圍華表。涓々翠欲流。未着杜鵑語。猶藏黃栗留。稻

荷積翠

九峰曰十二首描平  
安光景明麗如畫就  
中桃山猶間鞍馬稻  
荷殊為可麗至坊城  
二十字則出色有不  
可思議之妙

不用田單勇。何論甯戚賢。牧童騎其背。歸去夕陽邊。坊

城歸牛

聲從水邊至。嘎々似呼群。花落春深候。幽人仄耳聞。嵐

峽溪蛤

樓臺捲簾處。月影落杯中。初涼秋在水。未必待清風。四

條納涼

秋日還家

萬里逢秋客恨加。偶然歸去故山家。胡枝含笑媚幽砌。  
曾是先生手植花。

題三尊石

應某氏需

九峰曰語淺意深

九峰曰使人發深省

山是三尊住立形。空中赫奕放光明。不知謾々松風響。

西山上人語曰山之三角彌陀三尊松風謾々便是稱名聲

秋日喜菅桐南見訪

迎君一笑共銜卮。三十餘年感舊知。贏得浮生閑半日。柿紅橘綠小春時。

九峰曰三四清醇穩秀情景兼至打唐宋為一九者

秋日田中村訪陶庵西園寺侯不遇

采薪有疾會逢難。千里遠來空欲還。只見門庭秋色好。白雲紅葉滿前山。

九峰曰晚唐口吻

此日洛東無隣庵訪山縣元帥亦不遇

來訪南禪寺畔莊。青松紅樹帶秋光。門留一鶴無人應。

九峰曰轉結描寫妙甚除山縣將軍外看不得

劍在壁間琴在床。

高雄觀楓次某詩韻

千古豪僧跡杳哉。英魂今日喚無回。丹楓一澗濃於染。曾濺袈裟鮮血來。

九峰曰高雄非所製裝之地然點出入詩亦不妨又曰奇想

余曩贈鹽菘于九峰高島先生々々賦詩見寄  
乃次其瑤韻却寄

九峰曰謙遜中一種滋味

鹽蔬豈足助杯觥。只寄平生一片情。菘味由來蘭若物。何曾可比五侯鯖。

歲晚書懷

又逢殘臘客愁加。烏兔真驚似壑蛇。咫尺顏違祖師廟。

九峰曰前聯堅實

九峰曰帶誰亦妙

三千里隔故山家。墻陰霜淺菊餘葢。檐角日溫梅着花。  
獨酌濁醪澆磊塊。驅將窮鬼送年華。

藥鑰經卷歲云頽。蛇影浮杯夢屢回。二豎相親亦還好。  
更教渠逐債魔來。

歲晚雜詠

灑々雨雪灑窓紗。節逼歲除寒益加。笑典琴書償酒債。  
餘贏更欲買梅花。

除夜

楫柁爐邊坐不眠。乾魚濁酒餞殘年。年勞無復粟堪貯。  
筐底只餘詩幾篇。

九峰曰磊々落落見其高清

九峰曰亦可誦

正是年華欲盡時。團樂守夜舉吟卮。吾家清福無人識。  
瓶貯梅花囊貯詩。

甲寅新年

初旭曠々破瑞烟。仙禽鳩度九重天。微軀最喜逢昭代。  
况又新皇登極年。

蕭寺迎新起誦經。隔年猶剩佛燈青。堦前手折梅花去。  
半供香壇半插瓶。

新年勅題社頭杉

蒼鬱老杉圍古祠。後凋千載伴皇基。幹根直立無彎曲。  
只有蟄龍栖鶴知。

九峰曰真個昭代之音

九峰曰幽韻

九峰曰奇想

北陸佛教新聞社遍募其發行祝文請余作其一余豈可固辭哉雖然痼疾腕痛未全治不能執筆而構思憾甚矣因賦七絕一首以塞其責云爾

世尊遺教逼虞淵。機運方逢末法年。椽筆換將魯戈去。欲回頽日再中天。

金剛教會創立二十五周年賦此以贈

教社創基誰抗衡。春風廿五法逾榮。勸將本願醍醐味。築得金剛不壞城。

西山晃啓十三年忌辰賦此以贈其嗣子某啓

公生前甚愛梅菊句中故及

忍揮双淚讀遺篇。往事回頭思渺然。庾嶺東籬人不見。春風秋雨十三年。

聞泰西戰報

寰宇衝從爭武功。輸贏欲決幾英雄。干戈滿地歐西亂。誰是今時拿烈翁。

時局書感

歐西滿地戰塵連。餘祲猶延東海天。幾隻鱉鱣艤裝就。茫茫所向是何邊。

夏再遊紀州鉛山溫泉雜詠

九峰曰海鄉十字天然佳對

曾遊回首已三年。勝概依然七鑛泉。浴客携童尋舊跡。趨涼去向舞雩邊。

避暑遊南紀。鉛山涼味幽。海鄉殆忘夏。天下已知秋。况有溫泉湧。曾無熱汗流。西風颯然起。吹滿白蘋洲。

半島宜消夏。新涼沂水間。無樓不臨海。有寺總依山。蒼鶻秋千里。白蘋花一灣。浴餘詠歸後。笑對好孱顏。

秋日臥病

十年痼疾老纒支。欲賴扁倉驅逐之。艱步脚如三匝鵠。臥床身似六藏龜。天當彼岸陰晴變。人近小春單袂疑。滿地胡枝花撩亂。餘香只有蝶蜂知。

九峰曰羅中見巧前聯居然劍南口吻

九峰曰天竺公孫對仗妙又曰後聯亦新雋

又

蕭然臥醫院。如鶴在籠樊。天竺花方麗。公孫樹獨尊。水囊禦頭熱。玻管驗身溫。養病無他術。安心坡老論。

天皇登極奉賀恭賦

東瀛日出處。嘉會百祥敷。登極新皇帝。回鑾舊洛都。不追周典禮。豈做漢規模。寶祚冠寰宇。金甌莫敢渝。

春雨

法樂詩歌兼題

雨窓拭淚讀遺篇。鳥哭花愁佛閣前。點滴聲交梵音響。春風吹恨十三年。

先妣三十三回忌

九峰曰凄絕

九峰曰堂皇而典重洵稱本題



九峰曰至情之言能動人

匆匆一夢卅三春。花落鳥啼愁更新。膝下曾逢斷機誠。墳前今作白頭人。

送中尾教審歸越中次其留別韻

秋風思故國。不是為鱸魚。王粲樓堪上。陶潛菊尚餘。遠游身已倦。歸養志初舒。離合君休嘆。往來有鐵車。

九峰曰四十字意周筆健前半殊推清雋

膽岳遺稿卷下(終)

此三卷

膽吹之山其容雄而溫山巔遍生藥艸方七八月之交滿地發花碧紫紅蕊燦爛織錦美處不可狀云藤嶋穩公生且長于其麓驅幹雖不大氣象雄壯資性溫厚頗與山容相肖而其所作文詩大率清新瑰麗亦有藻草媚秋彩華金露之緊蓋山之秀靈鍾而為人也彌曰

贈長洵相稱美頃令嗣祐寬君整頓  
遺稿將付活刷以領于人曰贅一言于  
卷尾

大正庚申八月念八識于東京小寓此日  
驅涼手裁藥芋開西之花

止舟道人全潤



大正九年十二月十五日印刷發行 (非賣品)

編輯兼  
發行者

京都市下京區新町通花屋町下ル

藤島祐寬

印刷者

京都市下京區柳馬場通三條南入  
似玉堂

桂千代造

印刷所

同所

似玉堂活版部

11  
1  
432

終

